

佛說持世陀羅尼經

唐三藏法師玄奘奉 詔譯

如是我聞一時薄伽梵在憍餉彌國建磑迦林與大苾芻衆五百人俱菩薩摩訶薩過俱胝數及諸天人阿素洛等無量大衆前後圍

行四

十二

繞時彼國中有一長者名爲妙月容範溫華志願閑遠男女僮僕其數衆多於佛法僧深生敬信來詣佛所頂禮佛足繞百千匝却住一面合掌恭敬而白佛言世尊欲問如來應正等覺少所疑事唯願大慈垂愍聽許爾時世尊哀愍彼故以慈轉音告言長者恣汝意問吾當爲汝方便分別令汝心喜時彼長者歡喜踊躍稽首作禮合掌請言世尊云何善男子善女人諸貧賤者可得富貴諸有病者可令病愈諸有罪者可令罪滅諸危懼者可

令安樂爾時世尊知而故問長者何緣作如是說時彼長者重白佛言世尊我等在家多諸眷屬資財乏少難可周濟又多疹疾罪累危懼故請世尊開示方便令貧賤者得大財位周給親屬廣修惠施饒益一切倉庫無盡令有病者四大康和勤修善業身心無倦令有罪者速得除滅身壞命終生於善趣令危懼者身心安樂親近供養佛法僧寶速證無上正等菩提爾時世尊告彼長者善男子我於過去無數劫前遇佛世尊名持金剛海音

行四

十三

如來應正等覺明行圓滿善逝世間解無上丈夫調御士天人師佛薄伽梵爲欲利樂諸有情故說陀羅尼名曰持世我時聞已歡喜踊躍受持讀誦廣爲他說利益安樂無量有情由是因緣福慧增長速證無上正等菩提

爲諸天人說微妙法今爲汝說此陀羅尼汝
天人等皆應諦聽聞已受持廣爲他說此呪
神力不可思議令諸有情皆獲利樂陀羅尼
曰

蘇魯閉 跋達邏筏底 普揭麗 頰折麗

頰摺鉢麗 唄伽嘶尼 唄鞞達尼 薩寫

罰底 馱娜罰底 達那罰底 室利沫底

鉢拉婆罰底 晉沫麗 毗沫麗 魯盧蘇

縷 波毗沫麗 頰捺捺悉諦 毗咀悉諦

毗濕縛繫始 狹矩麗 茫矩麗 毗毗謎

杜杜謎 咀咀麗 咀洛咀洛 罰折麗罰

折麗 羯醯羯醯去聲 罰栗殺尼 昵翌波

達尼 罰折洛達洛 娑揭洛 昵懼衫咀

他揭耽頰奴颯沫洛 咀他揭多薩點颯沫

洛 達磨薩點颯沫洛 僧伽薩點颯沫洛

咀吒咀吒 譜洛譜洛 譜刺耶 跋洛跋
洛尼 蘇普揭麗 扇多沫底 普揭羅罰
底 蘇跋達洛罰底 阿揭車 阿揭車
三沫閻 阿奴颯沫洛莎訶 阿罰刺喃
頰奴颯沫洛莎訶 鉢刺婆去聲凡 頰奴颯
沫洛莎訶 經栗砧 頰奴颯沫洛莎訶
毗折閻 頰奴颯沫洛莎訶 薩縛薩埵毗
捺閻頰奴颯沫洛莎訶
此陀羅尼具大神力若有善男子善女人至
心受持廣爲他說諸惡神鬼天龍藥叉人非
人等皆不能害諸利樂事晝夜增長若能至
誠供養三寶念誦如是大陀羅尼經七晝夜
時無暫闕諸天龍神皆生歡喜自來冥護所
須財穀飢饉疫癘皆悉消除所有罪障無不
殄滅一切危懼並得安寧福慧漸增所求如

意速證無上正等菩提爾時佛告妙月長者
汝應信受此陀羅尼憶念誦持廣爲他說所
求利樂無不諧遂時彼長者聞佛所說歡喜
踊躍而白佛言我能受持廣爲他說利益安
樂無量有情唯願世尊慈悲護念世尊告曰
如是如是時彼長者合掌恭敬右繞世尊百
千匝已頂禮佛足歡喜而去爾時世尊告阿
難曰妙月長者諸庫藏中種種財穀今悉盈
滿尊者阿難歡喜白佛何因緣故妙月長者
諸庫藏中欽然盈滿佛告阿難妙月長者聞
我所說大陀羅尼深信歡喜受持讀誦願爲
無量有情宣說由斯福力庫藏皆滿汝等亦
應受持讀誦廣爲他說此陀羅尼令此三千
大千世界諸有情類皆得利樂我觀世間天
魔梵等無能毀越此陀羅尼文句正真不可

壞故諸薄福者不可得聞所以者何如是章
句三世諸佛同所稱揚以不思議神力加被
令聞持者皆獲利樂尊者阿難深心歡喜以
妙伽他而讚頌曰
諸佛不思議 所說法亦爾 能正奉行者
果報亦復然 一切智法王 滅生老病死
已到勝彼岸 稽首大覺尊
爾時阿難踊躍歡喜禮佛合掌白言世尊今
此法門當名何等我等今者云何奉持佛告
阿難此名妙月長者所問亦名能感一切財
位亦名愈疾亦名滅罪亦名能除一切危懼
亦名諸佛同所稱揚亦名諸佛神力加被亦
名持世陀羅尼經汝當奉持勿令忘失利益
安樂一切有情時薄伽梵說此經已無量聲
聞及諸菩薩并諸天人阿素洛等一切大衆

聞佛所說皆大歡喜信受奉行

佛說持世陀羅尼經